

疆
邦
華
夏

秋澗樂府卷二

汲王惲仲謀

木蘭花慢

憲陵臺畔客笑幾度送人行對一道青山兩行官柳去
住人情蒼生望初不繫問此身何用絆虛名宦味真成
畫餅隱居卻伴侯鯖十年慚愧草堂靈自分苦飄零
甚一片閒雲幾回歸夢野釣林耕浮沈待從里社覺倘
來軒冕總堪驚寄謝竹林舊友且休筆削寒盟
又送史誠明總管還洛陽春日餘餞任氏園亭時紅梅

爛開

愛春光澹沲歌吹暖竹西亭正花簇金鞍香翻雪樹碧

酒同傾誰將翠帷雙捲擁紅妝臨水照娉婷縹緲凌波
仙子依稀羅襪塵生使君高興動青冥心事怯流鶯
對如畫江山一時豪傑湖海交清自憐鬢華如此且相
逢一笑惜飄零明日河陽客舍春風柳色青青

又

歎西山歸客又愁裏過清明記幕燕巢傾朝堂人去往
事堪驚行藏固非人力頓塵纓終愧草堂靈潘岳無閒
可賦淵明何地堪耕漢家一論到書生六合望澄清
甚樓上元龍山中宰相何止虛名當年臥龍心事儘羽
毛千古見青冥憔悴中堂故吏醉來老淚縱橫

又

河內人焦其氏者作樂器僅容一握張以二絃隱彈

袖閒因雙鳴起舞周旋踟躕曲盡音節昔人未之見
也座閒承待制翰學命不肖以樂府木蘭花慢歌之
因狀其名曰鳴鳳雙棲曲

愛雙鳴棲鳳趁舞袖共婆娑恨鼓凝笳繁絃急管悲
壯何多金泥小檀花面儘淒清翻盡雪兒歌幄殿悄聞
私語銅龍冷歛秋波明妝高燭洗金荷心賞重經過
聽一曲流連珠簾畫棟幾度斜河紅雲島仙音部說新
聲得意掩雲和看取長安日近春風搖蕩鳴珂

又至元七年京師除夜燈下與兒子孺讀文正范公行
已且憶馬賓王來事可爲之語因感而賦此以見其
志云

澹中庭暝色初遣莫夜寒淒對草草杯盤昏昏燈火客
裏京師比量舊年心事笑蹉跎書劒向來非誰著朱衣
白簡春風三拜龍墀山妻稚子竟何爲溫飽汝嘻嘻
悵故國北山蒼煙喬木卿月空輝葵心要須傾日道等
閒休遣鏡鸞知自信蒼顏如鐵不堪雙鬢如絲
又奉送節使賢侯分帥譙軍兼簡仲季諸卿爲一噓也

且寄聲子初知府

壯東南一柱分閩寄事非輕見雨露恩綸河山帶礪勳
府元盟依依汴隄楊柳甚一朝光彩動旗旌曉日千梁
浮蜨春風百雉巖城臨軒鼙鼓正凝情忠孝舊家聲
看奕世功名麒麟高閣宛轉丹青綠波北潭花影又一

年春好是清明彩袖一杯壽了望中三楚雲平

又十三年平陽秩滿清明日賦

老西山倦客喜今歲是歸年笑鏡裏衰容吟邊華髮薄
宦流連功名事元有分且著鞭休羨祖生先望裏芙蓉
大府夢餘禪榻茶煙恨無明略臥林泉平子太拘牽
儘俯首輟駒寸心能了猶勝歸田前途事如抹漆又向
誰重理伯牙絃自是一生心苦非關六印腰懸

又望郝奉使墓

灑西風老淚又馬上望郎山對紅露秋香芙蓉城闕依
舊雄藩碧雲故人何在憶扶搖九萬看鵬搏賦就鳳凰
樓晚星沈鸚鵡洲寒一北宿草鎖蒼煙零落復何言

似燕許才名風雲際會自古天慳皇皇使華南下愛丹
衷擬締兩朝歡恨煞奸回秋罨月明愁滿江干

又憲臺諸公九日登高韓墅遠風臺侍御繼先首唱樂

府諸公廣和以紀雅集之盛予時移病在告旣而君
美御史以嚴韻見徵勉爲續貂云

遣風臺上客說雅集玉生光縱尊俎無情登臨佳節此
興能忘龍山會君莫羨愛綠蘿影裏到山莊驄馬長安
清貴留連春草池塘淵明骯髒傍門旁多病對秋香
悵歲晚田荒幾多稂莠藟藟登場人閒事如意少且同
來一笑共匡牀寄謝牛山公子何須揮涕殘陽

又壽史中丞

相門佳公子都忘卻貴人驕有萬石忠勤伯魚詩禮才
氣飄飄風流謝家玉樹說妙齡英譽冠東朝桂殿親承
弓硯豸冠高映金貂兩臺清議聳風標睿眷見恩饒
要寶瑟朱絃羹梅伊鼎試手更調鳳凰池還浴鳳看羽
毛奕世動雲霄鄭重歲寒貞節青松千尺難彫
又再和何侍御前府韻前章所謂變風終章止乎禮義

而已

六合一統依日月到重光道太岱封書雲龍接踵此
意難忘西園萬花繡錯好枕中蝶化似蒙莊斂翅深棲
金粉貪芳更度銀塘一生白眼貴人旁贏得姓名香
幾戲影棚邊隨人鼓笛賀老當場雖可笑猶有用似也

勝陳許怒爭牀靜想行藏有命且休眼熱王陽

又爲史總帥尊夫人之壽

藹長筵拜慶似眉壽幾人同更綠髮垂肩方瞳炯漆五
福尊崇風流大家儀範甚能移子孝作臣忠獵獵征東
漢旆堂堂南下殊功一江春浪醉醒中都捲入歌鐘
看和氣怡聲承顏起舞袖錦翻紅雲間發光分彩儘蕭
然林下謝家風笑擁滿庭蘭玉年年樂事無窮

又賦芙蓉杏花

聽夜來微雨甚一霎過東牆愛活色生香芙蓉標格暖
貯春光瓏鬆寶團瓊綴笑海棠能睡更無香爛漫宋郎
心眼風流時世新妝少年走馬杏花岡句惹興偏長

記誇酒青旗樹頭招颺喚客初嘗別來吳姬粉面比舊
年風韻轉芬芳似覺生紅闌意未容說與東皇

又至元十七年上巳日同西溪公飲鎮陽城南高氏勝

游園歸賦此詞

問城南花柳最好處勝游鄉對湖水微茫瑤翻碧潋修
禊浮觴比量今春樂事憶去年書劒共游梁曉日繁臺
古寺春風碧草宮牆人生離別是尋常兩歲喜徜徉
更金縷新聲佳人錦瑟踏徧春陽多君歲寒心在似西
溪松柏鬱蒼蒼記得醉時笑語夢回枕上猶香

又賦紅梨花

愛一枝香雪幾暮雨洗妝殘儘空谷幽居佳人寂寞淚

粉闌干芳姿似嫌雅澹問誰將大藥駐朱顏塞上臙脂
夜紫雪邊胡蝶朝寒風流韻遠更清閒醉眼入驚看
甚底事坡仙被花熱惱惆悵東闌細傾玉餅春酒待月
中橫笛倩雲鬟吹散碧桃千樹盡隨流水人閒
又數雨日王君德昂約牡丹之會某以事奪北來祁陽

道中偶得此詞以寄

問東城春色正穀雨牡丹期想前日芳苞近來絳豔紅
爛燈枝劉郎爲花情重約柳邊娃館醉吳姬羅襪凌波
微步玉盤承露低垂春風百市繡羅圍看到彩雲飛
甚著意追歡留連光景回首差池半春短長亭畔漫一
杯藉草對斜暉歸縱醺醺雪在不堪姚魏離披

又和國範郎中見贈嚴韻

臥孤松雲壑愛青貫四時心自絕澗幽蟠蒼煙高擁氣
壓千林冰霜幾年凌傲甚九天一日露恩深白璧無雙
國士朱絃三歎遺音春風草木變蕭森又復見雄襟
想直犯龍顏片言曾霽萬里重陰相逢莫驚白首更明
時幾世似於今只恐南陽壠底空懷梁父長吟

又賦白蓮和王西溪

愛玉華仙供偶移影下瑤池悵野渚蒼煙結根非所繁
豔爭欺風清月寒半墜道無情有恨欲誰知羅襪凌波
微步澹香高韻幽姿風煙回首夢共溪采采畫船歸
趁粉露和香秋光細釀瓊液淋漓招呼謫仙共飲記兩

舫腳踏醉吳姬一曲清吟未了翠盤狼藉珠璣

又武邑縣王楫善居室母俎氏出隆平富家今年八十有九慈祥康健精彩如五六十人教授馬君向予說如此因紹介拜求予文將爲母氏百世之光予方以善俗任責楫之孝養致樂實有關於風化者故作是詞以付俾來者庶有所勸焉

爛雲衢彩婺和曉月滿庭闈正梅粉香飄林梢紫動淑景初遲觀津盛傳王氏道孝心重見老萊衣和氣一家瑞靄慈顏九十柔儀香燒靜院趁朝暉未省杖扶持縱德厚流長遐齡能健此事應稀婆娑綠萱堂背愛一竿蒼竹六孫枝照映西山秀色年年翠點修眉

又賦除藤

愛雪團嬌小開較晚儘春融似麝染沈薰檀輕粉薄費
盡春工綠陰小庭晴晝放繡簾輕度竹梢風待著一天
香韻醉吟留伴詩翁洗妝不用露華濃玉樹濕青蔥
欲細挽柔條重圍錦幄不放春空春殘未應多恨道典
型猶在酒杯中何似留芳翠枕夜深歸夢瑤宮

又壽崔子文

際河山兩界道此地正交衝纔北渚離筵南亭奔逐終
歲倥偬風流故家從事暫淹留蓮幕簿書叢更辦錦牋
詩句筆端暈碧裁紅今朝壽席且從容賓客喜相同
就雪蟻浮香眉毫舒彩莫放杯空人生正須適意儘冰

梢蠟蒂未沖融海曲尙存遺愛稼齋自有春風

又寄王宣慰立夫

浩魚龍灤海曾同醉鳳凰樓記獵較河南竝持英簫千
里長游風流故家人物愛賦詩鞍馬氣橫秋落日隆中
懷古薰風洛水浮舟重逢春色入東州小試統清流
看坐嘯江淮風連臺閣名動金甌經綸半生心事細推
量合在百花頭此日清香畫戟不應談笑封侯

又爲張詹事壽

愛承華簪尹儘明略更雄襟甚瀟灑清吟半生夢寐銅
輦秋衾莫論量歸計早恐未容亭扁遂初心共道東山
絲竹風雲兩袖商霖春坊桃李滿清陰氣幹鬱千尋

看他日明堂國權偃植棟宇雄沈家近上林春早覺桂
香浮酒動華簪滿酌一杯爲壽魯連不用千金

又居庸懷古

壯巉巉鐵峽誰設險劈蒼岑擁萬里風煙一櫬橫鎖形
勝雄沈漢王陽□□憶當年叱馭走駸駸半夜郵亭
索酒平明燕市長吟追思往事不堪尋山色古猶今
甚三十年來青雲垂翅素髮鬢簪投閒卻教應聘笑委
身從事老難任立徧西風殘照山光翠滿疏林

又伏聞鑾輅近在山北以疾不能前迓愚衷有不能已

者作樂府木蘭花慢以見葵藿傾嚮之萬一云

悵居庸北口愛蒼靄擁千岑澹秋滿陪京翠華南狩萬

騎駿駿從千官□□□望清塵齊拜聽車音日月中天
統在風雲龍虎臺深馬遷留滯臥周南戀闕破丹心
恨伏枕悠悠情關藥裏夢共秋衾豈知金鑣野鹿恐暮
年分薄是長林卻爲有恩未報許身愧比南金
望月婆羅門引舜舉宋屯田幕官也與予一見有忘年

之歡旣而告別東游賦此爲餞

星屯落落當年旌旆擁雍北西風騰踏清秋回首黃雲
畫角吹斷夕陽樓且杯傾竹葉歌吳鉤功名浪求
枉敝盡黑貂裘重恨人生無定長負歡游燕鴻南去悵
秋水秋煙總是愁江浦晚穩宿汀洲

又